

A2<sup>r</sup>

Dem Ehrwürdigen in Gott vater  
 und Herrn/ Herrn Jacoben/ Abt des  
 berühmten Gotshauß zu S. Vlrichen und  
 S. Afren in Augspurg/ meinem Ge-  
 nedigen Herren.

Wiewol es jedermeningli-  
 chen nutz und gut were/  
 Ehrwürdiger in Gott va-  
 ter/ vnd zu erbawung  
 der Christlichen Kirchen sehr wol dienete/  
 daß nicht so vil vnd mancherlay Bücher  
 geschriben/ und Truckereyen an allen or-  
 ten zugelassen wurden/ wie wir dann jetzt  
 vor augen sehen/ damit sich nit junge und  
 alte/ mann und weib/ der heyligen schrift  
 und derselbigen außlegung/ mehr zulefen/  
 dann von Predigern vnd ihren Seelfor-  
 gern zuhören vnderstünden/ vnd also ein  
 jeder sein gütduncken/ verstand und mai-  
 nung/ auß dem büchtaben und der schrift  
 ohn vndercheid herneme/ und etwan al-  
 so von dem Gait vnd rechtem verstand  
 Götlichen worts weit fehlete und abwiche/

A ij die

A2<sup>v</sup>

## Epistel.

dieweyl man jetzt layder fo vilerlay ver-  
ftand der fchrifft fûchet/ fo vil deren feind/  
die fie lefen: daß das fprichwort: So man-  
cher kopff/ als mancher finn/ fich jetzund  
in die Religions vnnd Glaubens fachen  
gentzlich eingeflochten.

Dieweil aber doch vnferer widerfacher  
kein müh noch fleyß gefparet/ jhre falſche  
Lehr weit außzubreiten/ vnnd dardurch  
vil Menſchen zu verfieren/ derhalben mit  
predigen vnnd ſchreiben vil wolgeordnete  
Kirchen eingeriffen vnd zerftört/ vnd fon-  
derlich mit getruckten büchern jhr fachen  
dermaffen in ſchwang bracht/ daß jhr Bü-  
cher ſchreiben jhr langes leben iſt/ vnnd vil  
menſchen nit weniger durch das Bücher  
lefen daß predig hören zweyfelhaftig ge-  
macht/ vnnd verführt worden/ alfo daß fie  
auß dem lefen der Ketzeriſchen ſchriſſten  
allermaift gifft gefogen/ vnnd derhalben  
jhnem felbt jhr aigen verderbnuß nit vn-  
billich zûſchreiben.

Dann ja kein fûgklicher mittel vnnd  
wege

A3<sup>r</sup>

## Epiftel.

wege zů vnfern zeyten gewefen/ die Ketzereyen vnd mancherlay Secten vnnd fpartungen in Glaubens fachē vnder das volck außzubraiten/ dañ die getruckte außgange Bücher/ welche öffentlich verkaufft vnd auch haimlich hin vnnd her verſchobē wordē/ biß fo lang vaft gantz Teutfchland dardurch betõret vnd in vnrehũ gebracht.

Vnnd dieweyl wir alle von natur geneigt fein/ geren neue zeytungen zuhõrē/ dann wir des alten gemainglich bald genug haben vnnd verdrüffig werden/ alfo griff jederman liederlich zů/ vnnd kaufften die newen ketzerifche ſchriefften auff/ vnnd vermainten auß newen büchern vnd felbtwachfenden Lehrern (welchs ja ein thõrllicher lecherlicher wohn war) die alte/ rechte/ wahre/ Catholifche Lehr/ vñ Glaubens grund zulernen/ vnd denfelben nicht mit geduldt Chriftlicher Liebe vnd vermanung/ Sondern durch das ſchwerdt vnd mit gewalt zuuertedigen/ alfo daß die Teutfchen biß her ein jemerliche ſchreck-

A iij liche

A3<sup>v</sup>

## Epistel.

liche Tragedien auß den Ketzerifchen Büchern gelernet vnnd mit ein ander gefpiet.

Derwegen fichts nit gebüren will/ daß man wider fie feyre/ vnd jre irrthumb zů nemen laffe/ vnnd ob wol die Gaitlichen infonderheit zum freyt wider die Ketzer erfordert werden fo hat man doch je vnd allwege/ zů folchem handel etwan auch vnter den weltlichen Perfonen folche leut gefunden vnd gebraucht/ welche die fachen zimlicher weyfe verftanden haben/ damit fie der warheit gůte zeugknuß/ vnnd dem nechften exempel eines kirchē gehorfams geben. Vnnd zu dem allen genůgfame vrfachen anzeigen/ warum̄ fie lieber Catholifche dañ zertheylte eygenfinige Chriſten fein wolten.

Auß folcher mainung vn̄ fürfat3 haben etliche hoch vnd ehrwürdige Prelaten mir gewalt geben zu ſchreiben vnd zuwehren/ bin auch durch andere anfehenliche vnnd fürtreffliche gelerte leut darzu bewegt worden.

A4<sup>r</sup>

## Epistel.

worden. Demnach aber mir bewißt/ daß alle die jenigen/ welche folches fürhabens fein/ von jetziger vndanckbaren Welt vbel angefahren vnnd vnbillich gefchendet werden/ gleich als man sich von wegen eignen nutztes oder ehrgeitzs halben auß fallichem wohn vnd vermessenheit ohn allen grund der Schrifft oder zeugknuß der lieben alten Kirchenlehrern folches handels vnderwinde. Dann es laider darzu kömen/ daß jhr vil im Teutfchland sich felbft fo vil feiliger fchetzen/ je weiter fie von der Catholifchen Kirchen abtreten/ derhalben fie dife/ fo von jugent auff Catholifch gewesen/ oder sich entlich in jren erwachñe jahren einmal zû der Catholifchen Kirchen begeben/ fchlechte einfältige Papiften/ abgöttifche heuchler/ vñ blinde werck heiligen/ auß einem ftoltzen vbermût vnnd Teufelifchen eingeben nennen.

Damit aber folche Leut verftendiget wurden/ daß auch die Altuätter wider fie geftritten/ alfo habe ich jetzund difes büchlein

A4<sup>v</sup>

## Epistel.

lein Tertulliani für mich genommen vnd  
verteufchet/ in welchem meniglich fehen  
vnd fpuren kan/ daß vnfer Widerfacher  
eben folche Leut feind/ die auch vor tau=  
fent vnd vil mehr jaren der Kirchen Got=  
tes widerftanden/ vnnd daß der Glaub/  
welcher jetzt inn der Römifchen Kirchen  
(die zu difen zeyten durch Götliche fchi=  
ckung vnnd ordenliche fucceßion von dem  
höchften Priefter Bapft Pio Quinto re=  
giert wirdt) gepredigt/ der rechte alte Pe=  
ters vnd Apoftolifche Glaub fey/ mit allen  
feinen Ceremonien vnd Kirchen gebreu=  
chen.

Es ift aber Tertullianus ein Priefter  
zu Carthago in Africa gewefen/ vnd hat  
gelebt vmb die zeyt des Bapfts Gleuthe=  
rij/ vnd der Kayfer Seueri vnd Antonini/  
beyläuffig nach Chriffti geburt vom hun=  
derten vnd fünfftzigften jar/ biß auff das  
zway hunderft/ als nemlich vor allen Con=  
cilien/ ohne dife/ welche die Apoftel felbft  
gehalten/ vnd in der Bibel gefchribē feind.

Vnd

B1<sup>r</sup>

## Epistel.

Vnnd dieweyl je vnd je Ketzereyen in der Kirchen gefchwebt/ alfo widerleget er die Ketzer feiner zeyt mit vilen Büchern vnd fchrifften/ dann er nit allein in feiner mü<sup>ter</sup> fprach gepredigt/ fondern auch Latei<sup>nifche</sup> vnd Griechifche ftreitfchrifften vnd lehrbücher gefchriben/ wiewol die Griechi<sup>fchen</sup> (fo vil mir bewüßt) nicht mehr vor<sup>handen</sup>.

Wie er aber in allen gûten künften er<sup>faren</sup>/ die haimligkeit vnd wûrckunge der Natur gelernet/ vnd in der kunft der wol<sup>redenheit</sup> geübt gewefen/ befchreibt nicht allein Eufebius Pamphilj in feiner Kir<sup>chen</sup> hiftorien/ fondern es bezeugens feine hinderlaßne Schrifften vnnd Bücher/ in welchen ein hoher gayft vñ groffe gefchick<sup>ligkeit</sup> gefunden vnd gefpüret wirdt/ vnd wiewol er ein Eheweyb gehapt/ als er zû einem Priefter auffgenommen/ wie dañ die Orientalifchen Kirchen anfencklich ein gewonheit hetten/ jedoch war er eines fo eingezognen/ demütigen/ züchtigen Ge<sup>B müts</sup>/

B1<sup>v</sup>

---

## Epiftel.

müts/ daß er nicht geren zúließ/ daß die  
Layē (gefchweyg der Clerifey feiner zeit)  
zum anderen mal zú der Ehe griffen/ daß  
er folches in feinem fchreiben ettlich mal  
widerredet.

Wie auch Got durch jhn zú feiner zeyt/  
als einen vnder den erften Lateinifchen  
Kirchen Scribenten/ die erfte anfahende  
Kirchen/ wider die Ketzzer vnnd reiffende  
Wólffe befchützet vnd erhalten/ das fehen  
wir durchauß inn feinen Schrifften/ fon-  
derlich aber in difem gegenwertigē Búch-  
lein/ darinnen er fie fo finnreich vnnd art-  
lich abmalet/ daß fie von keinem beffer  
kóndten befchriben werden. Vnd dieweil  
einem verftändigen befehlen Mann wol  
bewüßt/ daß die Kirchen feind jhren Ke-  
tzers dantz/ wiewol auff mancherlay wei-  
fe/ jedoch nur immerzú auff einer leyren  
oder fayten geygen/ alfo befchuldigt vnnd  
befchreibet er die Ketzzer vaft eben derma-  
ßen/ wie vnfer Widerfacher jetzt zubekla-  
gen fein.

Es



B2<sup>r</sup>

## Epistel.

Es hat aber Tertullianus inn difem Tractat einen fteten Text ohne vnderſchied gefetzt/ welches nit für gemaine Leſer/ noch zů fattem verftand deren ſachen dienet/ derwegen ich folche ſchrift in gewiſe Capitel gethaylet/ vñ jedes mit kurzter erklerung vnnd zůfat3 auff vnſere zeyt gerichtet.

Neben difem hat mich auch für gůt angeſehen/ ein ſchutzſchrift hinan zuthůn/ darinnen die jhenigen vertedigt/ welche ihrer Seelen hayl allain inn der Catholiſchen Kirchen ſuchen.

Vnnd am ende hab ich einen kurtzen bericht gefetzt/ wie/ vnd in welchen ftuckē vns die Ketzer vnnd abtrinnigen zu diſer zeyt/ vnd an vnfern ōrtern Teutſchlands nutz vnd gůt ſein.

Solche drey Tractetlein E. E. zůzůſchreiben/ als einem Gaiftlichen/ andāchtigen Prelaten/ der jhme die Religions ſachen befolhen vnd angelegen ſein laffet/ bin durch etliche fürnemliche/ anfehēliche

B ij Herrn

B2<sup>v</sup>

## Epistel.

Herren/ fürnemblich aber durch den Ehrwü-  
 rdtigen vnd Edlen Herren Johan Egloff-  
 von Knöringen/ Thumbherrn vnd  
 F. Rhat zů Würtzburg/ auch Thumbcu-  
 ftorn inn Augspurg/ meinem G. Herren  
 vnd befürderern/ ich bewoigt vnd ermanet  
 worden/ dieweyl ewre bayde Ehrwürden  
 nicht schlechte freuntfchafft gegen einan-  
 der tragen/ vnd mir etwan auch willige vñ  
 genaigte lieb vñ freuntfchaft durch rhüm  
 vnd fürderruß meines jetzgemeldtē Her-  
 ren/ vnd gñftigen Patrons/ inn E. E.  
 Gotshauß widerfahren.

So dann nicht allein alle meine Stu-  
 dia/ der zeit ich mittels der Götlichē gna-  
 den Catholisch gewesen/ sondern auch je-  
 tzig meine freitfchiffen (wñfchend dz  
 ich kunft halben also wol darzů bereit/ als  
 ich von natur/ willen vnnd gaift genaigt)  
 durch kofen/ hülff vnd rhat/ wolgenann-  
 ten meines gñftigen genaigten Pa-  
 trons/ in das werck gefellt/ vnd villeicht  
 etlichen gñthertzigē (welche des langk-  
 wirigen

B3<sup>r</sup>

## Epistel.

wirigen gezencks in Religions sachen nu  
mehr müd) zu nutz herfür kommen: Vnd  
jhre Ehrwürden sich/ wie in andern mei-  
nen schreiben/ jetzund auß sonderer liebe  
vnd naigunge gegen der Religion keines  
koftens rewen lassen. Also habe derfel-  
ben Ehrwürden/ einem benachbawr-  
ten Herrn vnd freund/ ich neben vorerzel-  
ten vrfachen solche arbayt desto künlicher  
zúschreiben wóllen/ damit d<sup>9</sup> danck in der  
náhe blibe/ biß so lang jhren Ehrwürden  
ich meine/ wiewol schlecht geringe/ jedoch  
hochschuldige dåncke selbsten in anderen  
schrifften erzaiigen möchte.

Derwegē dañ E. E. ich in aller dienst-  
willigkeit bitte/ sie wóllen jhr solche mei-  
ne anfenckliche geringe arbayt in gunften  
gefallen lassen/ biß etwan durch verley-  
hung des Allmechtigen mehrers vnd bef-  
fers erfolgen möchte/ dieweil ich dißmals  
wegen vngelegner zeyt/ vnd verhinderli-  
cher vmbftende/ nicht also wol etwas für-  
trefflichers in Truck geben kan/ als bereits

B    iij    ge-

B3<sup>v</sup>

---

Epiftel.

gemúts ich were/ vñ gern wolt. E. E. mich  
alfo hiemit befehēd/ vnd vmb jhr langes  
leben/ vnnd glückliche wolfart derfelben  
Gotshauß bey dem Allmechtigen/ vnnd  
allen feinen lieben Heiligen em̄figs  
Gebets anhaltend. Würtzburg/  
ultima Nouemb. quæ erat diuo  
Andreæ facrata.  
Anno 1571.

E. E.

Dienftwilliger  
vnnd anbietiger

M. Laurentius  
Albertus.